






第五六四册

四庫全書

●上海古籍出版社

本冊目次

廣東通志(三)

清 郝玉麟等監修
魯曾煜等編纂……………一

欽定四庫全書

史部

廣東通志卷四十四

詳校官監察御史臣龔聯文

檢討臣德生覆勘

總校官檢討臣何思鈞

校對官中書臣王鍾泰

謄錄監生臣趙希濤

欽定四庫全書

廣東通志卷四十四

人物志一

起至元訖

人亦物也粵之物多珍粵之人亦多傑古云誰謂

嶺高惟人斯高誰謂海廣惟人斯廣其粵之謂歟

遐稽周漢以來樹軌踣厲於今為烈恭過我

國家作人雅化超越前代教之以根本而人有孝弟

忠信之行焉教之以經濟而人有兵農禮樂之選

欽定四庫全書

廣東通志卷四十四

焉教之以文章而人有淹雅弘通之譽焉教之以

風節而人有難進易退之義焉陽德之所炳耀矣

精之所孕含母使襄哲擅美于前哉志人物

周高固粵人周顯王時楚子熊商滅越兼有南服是

為楚威王固以才能歸楚為威王相時鐸椒為威王

傅以王不能盡觀春秋採取成敗凡四十章為鐸氏

微由固進之以故文教日興五羊銜穀萃於楚庭南

海人畫圖以表固功

公師隅粵人也越王無疆為楚所敗其子孫逃處江
南海上舉為王周赧王時有自立為王者隅以無疆
時避楚居會稽東武山歸而相度南海將築南武城
以居越王而越王不果遷時越王與魏通好使隅復
往南海求犀角象齒以獻之久在嶠外乃得諸琛併
吳江樓船會稽竹箭獻之魏魏王乃起師送越王往
荆棲之沅湘於是南武疆土遂為越貢奉邑稱雄於
交趾云

欽定四庫全書

廣東通志

二

漢張買粵人也父戌以越騎將軍與華毋害從高帝
定三秦有功未及封而死買少善射知書拜中大夫
孝惠帝時侍遊苑池鼓櫓能為越謳時切規諷不自
言父戰勲高后稱制丞相審食其為言之於是封買
為南宮侯傳其子生遂家長安建元初有罪奪爵光
和中粵民祠買相傳買父子相繼正色立朝故扁其祠
曰東正云

鄭嚴田甲皆南海人武帝欲伐南越二人首以越人

歸漢帝令越人善射馳馬者選為越騎使二人將之
並封歸義侯號其士卒為越侯兵元鼎五年呂嘉作
亂遂令四將軍衆十萬征南越嚴為戈船將軍出零
陵下灘水甲為下瀨將軍下蒼梧嚴善將兵而甲苛
急衆未得前於是伏波將軍路博德樓船將軍楊僕已
平南越開九郡詔嚴與甲即以越侯兵出若邪白沙
討東越元封元年冬東越平二人不加封惟免前稽
罪云

欽定四庫全書

廣東通志

三

何遺南海人元光中歸漢受詔別將巴蜀罪人發夜
郎兵下牂牁江會番禺為且蘭隔滇道故兵未下南
越已平遂令遺征且蘭會中郎將郭昌衛貴誅且蘭
平之亦以前稽不加封

畢取番禺人以才勇事南粵王為郎漢命樓船將軍
楊僕伐南粵自番禺東南境縱火燒城南粵王命取
將兵力戰會日昃伏波將軍路博德潛兵入營招諭
衆將取乃以軍降後封膝侯

鄧安番禹人武帝征和中交趾部刺史羅弘舉安茂才為屬國都尉尋以才能轉南海郡丞後至日南太守善於柔遠蠻人懷之卒葬馬鞍山後建武中馬援南征交趾徵側駐兵南海開拓土宇至此風雨晦冥聞人馬聲跡之得安墓

楊孚字孝元南海人建初中舉賢良對策上第拜議郎和帝即位欲伐北荒孚奏言創造用武守業尚文太宗息兵嘗言自勝衣冠念不及兵先帝繼述敵來

欽定四庫全書

廣東通志
卷四十四

則應未嘗先伐陛下繩美祖宗毋輕用武永元十二年荒旱令廷臣議政令得失孚奏言宜詔中外臣民均行三年通喪而吏治必務廉平以勸選舉之士帝從其議時南海屬交趾部刺史夏則巡行諸郡冬則還大府表奏舉刺不法其後競事珍獻孚乃著南裔異物志枚舉物性靈悟指為異品或為韻語使士民識之後為臨海太守復著臨海水土記亦以正獻貢也孚家在珠江南嘗移洛陽松柏種植宅前隆冬韭

雪盈樹或問其故孚曰偶然耳草木豈能動天哉人因目其所居地曰河南

招猛南海人舉茂才為郎元初中官至大鴻臚卿善於其職動無違禮四方重譯若高句驪馬韓玄菟南蠻諸國初附及就封入覲者凡至容臺肆儀行事猛舉制詔眎之衆情悉愜云

陳臨字子然世家南海山今香奮志絕俗郡舉孝廉永

建中官至蒼梧太守推誠而理導人以孝弟民有遺

欽定四庫全書

廣東通志
卷四十四

腹子為父報怨殺人者在繫臨知其無嗣令其妻侍獄中後產一男郡人歌曰蒼梧府恩廣大能令死因有後代建安中被徵為廷尉卒後本郡以五月五日祠臨東城門上令小童潔服舞之其後子孫蕃盛世以為陰德之報云

疎源字元流南海人為郡戶曹性資廉潔家貧餉晏不至同舍郎餉先至呼之共食源輒力辭後為尚書郎習練故事為九卿所重故人有詣源欲通苞苴者

源絕不答臨別便與訣曰子以言汙我從此與子絕矣居常拱手端坐儼直遇隆寒擁敗絮震掉戰慄吏獻裘堅却之從司徒上書言事忤權貴廢于家而卒黃豪字子微南海人幼好學能通論語毛詩弱冠寓廣信教授門徒交趾部刺史舉茂才及徵至京師除外黃令約已儉節麤衣蔬食所得俸秩悉賜貧民凡所剖決一縣稱平是時鄰郡蝗蟲為災獨外黃無有歲屢豐稔民流移者悉歸附之合境大治

欽定四庫全書

廣東通志
卷四十四

六

右廣州府

何丹字伯張正陽人

今英德

成帝鴻嘉初鄉里舉茂才

為舍涇長累遷中散大夫以諫言忤王莽出為松滋令慈祥宜弟子視其民有嘉禾連穎之瑞比卒士民悲悼葬於河西每歲六月二日酹奠者不絕於途其感人如此

右韶州府

梅銷其先越勾踐子孫避楚走丹陽更姓梅周末散

居沅湘秦并六國越復稱王遂踰零陵往南海銷從之至臺嶺家焉築城正水上秦王居之居民因呼臺嶺曰梅嶺秦末天下大亂番禺令吳芮甚得江湖間民心號曰番君江中亡命皆歸之於是百粵叛秦推雄傑為長眾皆賢銷乃長之銷下令舉兵戶出壯士一人領以戶將使合傳胡害將之戰則編為什伍領以隊將使搖毋餘將之將士受命遂引眾歸苒留裨將庾勝兄弟屯兵守臺嶺見苒即勸之從沛公伐秦

欽定四庫全書

廣東通志
卷四十四

七

苒遣銷將百粵兵往應諸侯至南陽遇沛公與言相合沛公乃與銷偕攻析郢降之胡害毋餘皆為沛公都尉從破秦及項籍封王諸將以苒率百粵從入關故立苒為衡山王而銷為苒將功最多封十萬戶為列侯食臺以南諸邑謂之臺侯漢高帝以二都尉皆擊項籍有功復封胡害為貫侯毋餘為海陽侯後苒徙王長沙以忠謹著聞延賞傳世銷匡輔之力也銷子孫多徙居曲江正陽代有顯者宋進士梅鼎臣蓋

其後云

右南雄府

吳瑒字叔山揭陽人漢末察孝廉為安成長孫權使呂岱取長沙郡瑒據縣不從權遣魯肅攻圍瑒突去日瑒受天子命為長知有漢不知有吳也權後統有交廣遣步騭為交州刺史亦義瑒無纖芥嫌瑒亦不仕

右潮州府

欽定四庫全書

廣東通志
卷四十四

陳元字長孫廣信人

今封

父欽習左氏春秋與劉歆

同時而別自名其家曰陳氏春秋有聲於時元少傳父業銳精覃思為之訓詁以父任為郎建武初元與桓譚杜林鄭興俱為學者所宗時議欲立左氏傳博士范升奏左氏淺末不宜立元詣闕疏曰陛下臨朝輒延羣臣論聖道知邱明至賢親受孔子而公羊穀梁傳聞後世故詔立左氏博詢可否今論者沉溺所習說守舊聞其為雷同者所排固其宜也元竊見博

欽定四庫全書

廣東通志
卷四十四

論穀梁氏興至今與公羊並存此先帝後帝各有所立不必相因也宜分明黑白建立左氏解釋先聖之積結淘汰學者之累惑使後進無復狐疑天下幸甚書奏下其議范升復與元相辯難凡十餘上帝卒立左氏學太常選博士四人元為第一元以才高著名辟司空李通府時大司農江馮上言宜令司隸校尉督察三公事下三府元疏曰臣聞師臣者帝賓臣者霸文王有日昃之勞周公執吐握之恭不聞其崇刺

舉務篤察也陛下宜修文武之聖典襲祖宗之遺德
勞心下士屈節待賢誠不宜使有司察公輔之名帝
從之後不能用以病去年老卒於家子堅卿有文章

右肇慶府

李進字子賢高興人

今化州

世本農家進獨明悟涉獵

經史力耕時常有一雞條來毛色五采及去莫知所
往目為客雞云是年稼大熟進補郡功曹累遷騎都
尉永和二年荆蠻叛進為武陵太守帥兵往討大破

欽定四庫全書

廣東通志
卷四十四

之斬首數百級餘悉降附進乃簡選將吏得其情和
在郡九年梁太后臨朝下詔增秩三千石賜錢二十
萬中平間代費琮為交趾刺史奏請依中州例貢士
後阮琴以茂才仕至司隸校尉交趾士人得與中州
同選實自進始其子孫蕃衍布在交廣多仕至大官
高興人遂以客難為祥比諸陳寶馬

右高州府

張重字仲篤合浦人才敏嗜學工詞說為嶺表望士

刺史推擇為日南郡從事舉計入洛明帝訝其么麼

問曰何郡小吏重抗聲應曰臣日南計吏非小吏也
陛下欲得其才耶抑將稱皮度肉也帝善其對正旦
大會帝復問曰日南郡北向視日耶重對曰雲中金
城豈必皆有其實日南日亦出於東耳至於風氣暄
暖日影仰當官民居止隨情面向東西南北迴背無
定所謂日域在南者也帝益善之賜以金帛自此上
計台對皆有賞賚後位至通顯

欽定四庫全書

廣東通志
卷四十四

姚文式合浦人雅好誦讀博通今古建安中舉茂才
仕為交州治中時步騭為刺史初入南海覽土地形
勢曰斯誠海富膏腴宜為都也乃詢尉佗舊治處人
無知者獨文式對曰佗昔為治當與番禺縣治相接
今入城東南偏有水坑陵城倚其上縣人謂之番山
縣名番禺儻謂番山之禺也佗行南海尉事拒闕設
守番禺其所都後歸漢築朝臺在城東北三十里則
佗宮近是矣隲登望得其處因立城郭以建州治綏

和百粵遂用寧集文式之功也

右廉州府

鄧盛字伯直蒼梧人

今順定州

仕為裨歸令聞母病解印

綬去及歸母果亡居喪盡孝太尉馬日磾嘉其行履服竟即辟之初入府為主簿尋為太尉諸曹掾時彭城相左尚以贓獲罪三府掾屬考驗踰年不竟更還盛覆考盛至獄洗沐尚解械賜席乃謂尚曰君受國恩重而坐如此今遇君子不可以小人相待尚感其至意即引筆具對時人語曰淑問得竟臯陶鄧盛公卿而下皆禮重之

右羅定州

吳霸字子公桂陽人

今陽山

少以才勇為兵校鎮中宿

涯浦關嘗禦海至正陽招徠流徙民感其仁旌所駐山曰吳山後徙廣鬱都尉威震夜郎遷牂牁太守為夜郎竹王立後天子從其請由是蠻裔畢服昭帝元鳳五年秋罷象郡分屬鬱林牂牁霸族在桂陽者欲

往廣鬱就腴田霸不許惟令墾近土廬居番禺西民服其不私今吳氏布獲嶺表皆其後云

唐珍字惠伯桂陽人

今連州

幼時聞人講書即能記誦

人謂神童及長狀貌瓌特善事父母天性恬漠荆州刺史度尚甚稱重之及就辟召累官太常熹平二年秋代楊賜為司空嘗奏請沿海立堤戍以防蠻寇其先世家本潁川同族有中常侍衡與左宦等竊弄威福衡常呼珍為弟珍恥之遂陽瘖不復出言以病罷歸居公位僅朞月光和二年卒鄉人立廟祀之祈禳有應號唐司空廟

右連州

忠烈

衡毅蒼梧人也

今德慶

與同郡錢博皆為郡太守長沙

吳巨所信用建安末荆州牧劉表以賴恭為交州刺史孫權亦以步騭為交州刺史巨逐恭恭奔零陵騭將至使人諭巨巨與都督區景謀將納騭而後圖之

隲知其謀召二人計事即斬以徇遂治舟船合兵二萬下取南海殺與博念巨部曲舊恩且隲之來非漢命也乃與師逆隲于蒼梧高要嶮口軍敗殺投水死其下千人無一生降者博據守高涼及隲徵還乃降

右肇慶府

孝義

羅威字德仁番禺人稟性淳慤幼知禮讓八歲喪父哀如成人事母至孝服勤奉養寒夜身先溫席母乃

欽定四庫全書

廣東通志

卷四十四

寢制行高雅口無佞言不跡權門待妻孥如賓客耕先世遺田以自給鄰家牛數犯其稼威屢刈芻潛納其門牛主怪之已乃知為威感其長者自是不忍犯出遇老稚負戴於塗輒代其任邑人化之孝慈成俗令異其行辟召署門下史威辭不就強之則偕母遜於增城令去復還後居母喪積毀骨立蔬食三年既葬廬墓朝夕哀泣鹿止其傍馴遠如家畜世以為孝感所致後王僧孺為南海太守下教求士有曰斯境

三閩與瓊百粵故都孝實人經則有羅威唐頌學為業本則有陳元士暨自是高尚獨往相望於嵒巖懷仁抱義繼跡於前史蓋以廣之多賢由威輩始也

唐頌字德雅番禺人以孝聞遭親喪毀幾滅性逮葬躬負土為墳結廬其中朝夕哭踊捧盥進膳事之如生時有甘露降于樹者彌月白鹿馴擾拾食于其廬次人咸驚異之親歿之後終身不衣純米非祭不茹酒肉或親親遺物或經所遊歷處輒淚淫淫下其篤

欽定四庫全書

廣東通志

卷四十四

行如此有司察孝廉舉為布山令布山在鬱林境中民獠雜處素號難治頌沃以寬和挫強拊柔惠及孺孺民感其仁無梗化者卒後民為立祠南齊永明中范雲為廣州刺史首遣使祭孝子羅威並頌墓後人皆尸祝之

右廣州府

丁茂字仲慮合浦人少孤貧服勤事母曲盡其孝母終負土治墳列植松柏白鹿遊其下馴擾如家畜交

趾郡邑競傳以為孝感終身哀經太守察孝廉不就吏民皆敬重之時蒼梧丁密亦以孝行顯聞世謂丁氏多巨孝

尹牙字猛德合浦人以才能仕為郡主簿太守南陽終寵以政委之寵常戚戚不樂牙請其故寵曰父死於張太尉重誓未報維是悲耳牙乃變服為傭至宛陵伺張間隙為寵報讐事聞天子奇其才赦不問按牙報太守廷之重臣乃刺客之流法所不宥者然後漢風尚往往往有此故流傳至今雖載而不剛要不可以不辨

欽定四庫全書

卷四十四

右廉州府

頓琦字孝異蒼梧人

今廉州

居母喪獨身立墳墓歷年

乃成手種松柏成行哀毀踰制感物通靈有飛鳧白鳩棲息廬側見人輒去見琦而留南齊永明中范雲使祭琦及丁密墓

丁密字靖公蒼梧人性清介非家織布不衣非已耕種菜果不食毫髮之饋不受於人父喪廬墓側有雙鳧游密廬旁小池見人馴伏後遭母喪復廬三年歸

舊廬一宿雙鳧復至游戲池中

右羅定州

文苑

郭蒼字伯起曲江人博學能文舉茂才為荊州從事靈帝熹平三年太守周昕開導六龍以便舟楫郡民頌之蒼為撰銘紀勲曲江長區祉勒於瀧上至今尚存

右韶州府

欽定四庫全書

卷四十四

隱逸

董正字伯和番禺人少有令姿耽意經籍年十五通毛詩三禮春秋遂以學行知名公府辟命皆不就熹平末每仰觀天象輒掩涕太息賦性高潔貧寒不戚躬耕自贍暇即講詩書陳禮法遠近多從之游鄉閭或少為不善必相戒曰吾伯和得無入於耳否有不平者多詣正直之隱士南陽車遂聞正令名千里投正正與同志思如兄弟居數年遂病正傾家救卹病

篤正呼遂字曰德陽君更有以見屬否遂瞪視曰以死累君言訖而絕正為停柩於堂一視兄弟之喪躬送喪於南陽而返粵產素多奇瑰之貨番禺為都會商賈湊集貿遷易以致富加以俚獠叢雜習尚輕悍未嘗知學感正清白偷俗日變建安中正卒葬番禺之東眾為刻碑表曰有漢徵士董君之墓過者必式晉隆和南海太守袁宏追想其風采乃訪求世族條列行誼聞于朝有詔旌表門閭墓禁樵牧

欽定四庫全書

廣東通志

卷四十四

右廣州府

漢忠烈孝義文苑隱逸共九人
人物傳標目多另總記之

三國吳黃蓋南海人孫權時舉茂才為日南太守日南連年反叛頑不可治蓋思以法繩之自是稍知上下之分斂手遵法黃武四年冬魏主曹丕至廣陵臨江觀兵蓋從大將軍孫韶要擊之丕驚遁後改始安太守吏治有能理聲初魏人唐咨避誅浮海來降孫權以咨為將軍後討南海臨賀盜賊有功將帥多交接之蓋目為叛人竟不相見其疾惡類此太元中卒

右廣州府

孝義

李祖仁合浦人世為郡望族兄弟十人同居郡北江上事親理家並皆慈孝廉讓吳五鳳初交州上其事詔賜爵三級復其家郡人因名其江曰慈廉

右廉州府

三國吳孝義一人

欽定四庫全書

廣東通志

卷五

晉王範南海人好讀書有鑒識州閭重之吳孫皓時閉戶不出郭馬胤廣州逐刺史徐旗範從旗避難既歸以琴書自娛有司賢其行薦辟之皆辭晉平吳後遵行九品官人之法每州置大小中正刺史熊睦薦州人德充才盛無踰範者舉秀才乃以範為廣州大中正選舉人才第其高下皆懷輿論時秘書丞河內司馬彪嘗著九州春秋盛行於時範閱之見其畧於嶺服乃蒐羅百粵典故為書名曰交廣春秋太康八年表上之訂述該數眾見之稱服自是名動京師範為人卓犖不羣篤學至老不廢交廣素缺修載自範

始創為之文獻賴以存焉

陶延字世賞其先家丹陽祖父基字叔先常為交州刺史始南人不識禮義基乃教以婚姻之道訓以父子之恩設庠序立學校闡境化之畱從子居廣州生延延才兼文武晉元帝時以戰功至伏波將軍為陶侃郎將湘賊杜弢誘五溪蠻寇武昌延將兵夜趣巴陵掩其不備大破之當論功進秩會疾卒荊州人還其喪廣州

欽定四庫全書

廣東通志
卷四十四

字

黃恭字義仲南海人自少恬雅履常清潔刺史鄧岱一見即器重之錄為記室恭軍草檄聲罪山越驚服轉封山令甚有治材然非其好也州察孝廉舉為佐著作郎父憂去職比服闋不起教授生徒發明聖籍鄉里推重徵辟不就乃補廣州大中正於是龜輯王氏交廣春秋補其遺漏以君親倫理為重後復廣為十三州記族子整為平越司馬博洽工文詞有集十卷

楊平字伯衡南海人少好學篤義明習孫吳荀及鈴

韜無不精曉以才畧為郡從事歷蓋寇校尉穆帝永和五年拜交州刺史征西將軍桓溫遣督護滕駿率交廣兵伐林邑王范文為文所敗平自將兵迎駿更運粟治軍攻之文被創死子佛代立七年平與駿復進軍壽冷浦入頓郎湖討佛佛連疊五十餘里平與駿力戰大破之佛遣其子面縛請罪平與盟而還林邑自是貢獻不絕詔加平龍驤將軍封南陵縣侯

欽定四庫全書

廣東通志
卷四十四

主

右廣州府

張魴字叔魚曲江人涉獵經傳少以孝聞遇旱癘極力賑恤鄉閭德之晉明帝太寧初舉孝廉咸康中為合涯令三年惠政流洽歌頌溢於邑中閭津夜行無警白鹿羣遊民取其一以獻由是魴所築邑城及城南山岡皆以白鹿名焉刺史行部至褒美之以勵屬邑詔徵為尚書郎

右韶州府

孝義

黃舒東莞人家貧力業以供養隨每視膳盛暑未嘗解冠帶親所頤指雖千里外往焉父卒皇皇如欲無生躬負土為墳結廬藉苫以居深野無人豺狼左右嗥而舒安之每寒夜號哭聲出林薄人為泣下日進淖糜一孟久之形容枯槁人勸其還哭而弗答居母喪亦如之間巷皆謂今之曾參也因名其居曰參里傍有山亦稱曰參里山

欽定四庫全書

廣東通志
卷四十四

十一

右廣州府

隱逸

姚成甫番禺人幼穎悟以學術鳴居父憂哀毀成疾比長州辟長史不就性嗜山水不為世網所累吳刺史陸印導泉為甘溪後震湮涸成甫復濬之郡蒙其利晉咸安中採菊蒲潤一老父教之服菖蒲曰此安期生所餌可以忘老成甫如言身覺輕健築室溪上歲被徵辟不就人高其誼年踰八十卒

右廣州府

晉孝義院
遺共二人

宋阮謙之徐聞人家本陳留曾祖放為交州刺史雷一子居擊雷水上至謙之仕郡功曹遷奮威將軍元嘉初從征林邑王大敗之謙之振旅而還其子孫多居遂溪今猶有阮家村

右雷州府

孝義

周靈甫增城人有膂力善武藝慷慨好義仕至南江

欽定四庫全書

廣東通志
卷四十四

十一

督護廣州刺史孔默之雅愛之其子熙先復善靈甫元嘉中熙先攜靈甫至建康薦之得官累遷伏波將軍後熙先謀亂以錢六十萬使靈甫於廣州合兵靈甫知諫不從乃長往不返熙先尋就擒靈甫聞之盡散所與錢以贖貧者而謂人曰負人之託不信敗人之事不忘失忠與信吾覩然人矣遂扼吭而死

右廣州府

鄧魯字約子桂陽人

今連山

幼有至性甫四歲父思露

當遠戍呼魯曰吾行矣歸無期也魯應聲泣拜訣別如成人世以孝童稱之歲餘病死一夕甦夢人謂曰上帝憐汝早孤特有汝魯心動日夜籲禱未幾計果至比葬哭泣踰度聞者傷之宋元徽中為郡小吏適館閣遭火詔郡國悉上民間所藏書郡遣魯獻之帝以其有功墜典錫之金帛會本郡太守缺詔以魯補之在郡剖決如流修城池梁道無虛日然經畫有方民不稱擾齊永明中卒贈司徒民思其德廟祀之

欽定四庫全書

廣雅通志
卷四十四

右連州

隱逸

盧度字孝章清遠人性穎悟精老易諳兵法嘗從張永侵魏言于永曰魏人所恃者淮水耳我以輕兵擒其遊騎且多張旗幟為疑兵彼必不敢渡因而擊之上策也永不能用為魏所敗魏人追急前阻淮水度默誓曰倘免後當不復殺生須臾見兩楫浮至藉以濟歸隱三顧山鳥獸隨之夜有鹿觸其壁度曰汝壞

我壁鹿應聲去池魚皆有名呼之輒相次就食遂知期至與親友別齊永明末卒嘗憩息於金芝巖有枕石在焉邑人目為盧公卧處

右廣州府

宋孝義隱
通共三人

齊區金字南貴南海人宋孝建末客揭陽齊武帝在潛興師征豫章賊金為首領從大將往平之至金陵事齊高帝及受禪用金為右武衛校尉累擢尹州刺史子穎亦以恩授寧州刺史穎子伯虎新州刺史見

欽定四庫全書

廣雅通志
卷四十四

名宦三世刺史亦嶺海盛事也

程政程鄉人悃悃無華性嗜書不慕榮達素以忠信結人人服其行誼有不平者輒質成於政各厭其心而返至有望其廬立自刻責有陳太丘之風焉政生於南齊歷梁陳及隋開皇中年九十餘乃卒後人思其德名其里曰程鄉因以名縣云政二子長松字伯材事父母最孝謹終日怡聲無疾言隱居不受薦辟史杉字仲材開皇中以學術徵歷弘農郡守罹父憂葬後